

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj:7/10 i 3/23), a u vezi sa članom 112. stav 1. Poslovnika Skupštine Zeničko-dobojskog kantona (“Službene novine Zeničko-dobojskog kantona”, broj: 5/24, 8/25 i 18/25), razmatrajući Inicijativu za izradu Strategije pristupačnosti za osobe sa invaliditetom u Zeničko-dobojskom kantonu podnesenu od Alena Kapkovića, zastupnika u Skupštini Zeničko-dobojskog kantona, na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 109. sjednici, održanoj 19.12.2025. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona, broj 12-02-19908-2-1/25 od 09.12.2025. godine, o Inicijativi Alena Kapkovića, zastupnika u Skupštini Zeničko-dobojskog kantona, za izradu Strategije pristupačnosti za osobe sa invaliditetom u Zeničko-dobojskom kantonu.

II.

Zaključak sa Mišljenjem iz tačke I. ovog zaključka upućuje se Skupštini Zeničko-dobojskog kantona.

III.

Zaključak stupa na snagu danom donošenja.

Broj: 02-_____/25
Datum, 19.12.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,
1x Stručna služba Skupštine,
1x a/a.



Broj: 12-02-19908-2-1/25
Zenica, 09.12.2025.godine

ZENIČKO-DOBOJSKI KANTON
STRUČNA SLUŽBA VLADE
n/r Sekretar

PREDMET: Mišljenje o Inicijativi Alena Kapkovića, zastupnika u Skupštini
Zeničko - dobojskog kantona za izradu Strategije pristupačnosti
za osobe sa invaliditetom u Zeničko-dobojskom kantonu - dostavlja se -

Stručna služba Vlade Zeničko-dobojskog kantona je aktom broj 02-1-02-19908-2/25 od 12.11.2025.godine, a u vezi sa aktom Stručne službe Skupštine Zeničko-dobojskog kantona broj 1-02-19908-1/25 od 07.11.2025.godine, dostavila Ministarstvu za prostorno uređenje, promet i komunikacije i zaštitu okoline Zeničko-dobojskog kantona Inicijativu za izradu Strategije pristupačnosti za osobe sa invaliditetom u Zeničko-dobojskom kantonu koju je podnio Alen Kapković, zastupnik u Skupštini Zeničko - dobojskog kantona.

Na osnovu člana 112. stav 2. Poslovnika Skupštine Zeničko-dobojskog kantona ("Službene novine Zeničko-dobojskog kantona", broj 5/24, 8/25 i 18/25) Ministarstvo za prostorno uređenje, promet i komunikacije i zaštitu okoline Zeničko-dobojskog kantona daje sljedeće:

MIŠLJENJE

Ministarstvo za prostorno uređenje, promet i komunikacije i zaštitu okoline Zeničko-dobojskog kantona podržava podnesenu Inicijativu zastupnika Alena Kapkovića u pogledu unapređenja prava i omogućavanja prostorno-komunikacijske pristupačnosti za osobe sa invaliditetom, a koja se odnose na uklanjanje arhitektonskih, senzornih i komunikacijskih barijera u institucijama, ustanovama i drugim javnim objektima na području Zeničko-dobojskog kantona.

S tim u vezi smatramo da je inicijativa zastupnika Alena Kapkovića opravdana, ali se ista treba preinačiti u pravcu izrade plana i programa pristupačnosti za osobe sa invaliditetom na području Zeničko-dobojskog kantona, nakon usvajanja i stupanja na snagu Lokalnog akcionog plana za područje Zeničko-dobojskog kantona.

Naime, na prijedlog Vlade Federacije BiH, dana 30.10.2025.godine od strane oba doma Parlamenta Federacije BiH usvojena je Strategija za unapređenje položaja i prava osoba sa invaliditetom u Federaciji BiH 2025.-2030.godina, koja je usklađena sa Strategijom razvoja Federacije BiH, EU Strategijom o pravima osoba sa invaliditetom 2021.- 2030. i drugim relevantnim dokumentima. Navedenim strateškim dokumentom utvrđen je strateški cilj „Unaprijediti prava i položaj osoba sa invaliditetom u Federaciji BiH“ i kao prvi strateški prioritet "Unapređenje prostorno-komunikacijske pristupačnosti za osobe s invaliditetom" sa konkretnim mjerama.

Federalno ministarstvo rada i socijalne politike je zaduženo za koordiniranje, praćenje i usmjeravanje implementacije Strategije na nivou Federacije BiH, a kantonalne Vlade su zadužene za formiranje radnih tijela za izradu kantonalnih akcionih planova implementacije ovog strateškog dokumenta.

S tim u vezi, na prijedlog Ministarstva za rad, socijalnu politiku i izbjeglice Zeničko-dobojskog kantona Vlada Zeničko-dobojskog kantona je imenovala Koordinaciono tijelo za

izradu, praćenje, implementaciju i izvještavanje Lokalnog akcionog plana za područje Zeničko-dobojskog kantona za vremenski period 2025.-2030.godina, u čijem sastavu su imenovani predstavnici svih resornih ministarstava i dva (2) predstavnika iz reda organizacija osoba sa invaliditetom (OSI) sa područja Zeničko-dobojskog kantona.

Izrada Lokalnog akcionog plana za područje Zeničko-dobojskog kantona je u završnoj fazi usklađivanja sa Strategijom za unapređenje položaja i prava osoba sa invaliditetom u FBiH, i kao strateški cilj broj 1 predviđa „pristupačnost za osobe s invaliditetom u Zeničko-dobojskom kantonu“, a kao stratešku mjeru broj 1 predviđa „povećanje aktivnosti uklanjanja arhitektonskih, senzornih i komunikacijskih barijera za osobe sa invaliditetom“.

Izradom plana i programa će se konkretizovati mjere i aktivnosti na uklanjanju arhitektonskih, senzornih i komunikacijskih barijera za osobe sa invaliditetom na području Zeničko-dobojskog kantona, te na taj način implementirati strateški cilj 1 i strateška mjera 1 predviđena Lokalnim akcionim planom, čiji će nosilac aktivnosti biti Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

Zbog svega naprijed navedenog predlažemo Vladi Zeničko-dobojskog kantona da prihvati ovo Mišljenje Ministarstva.

S poštovanjem,

MINISTAR:

Adnan Šabani

Dostavljeno:

1 x Naslovu

1 x a/a

1 x OWIS